



SYSTEM MONITORING PROGRAMME

PROGRAMA MONITORIZASAUN SISTEMA JUDISIAL

Komunikadu Imprensa

Periodu : Feveiru 2011

Edisaun : 03 Feveiru 2011

JSMP halo audiencia ba dala rua ho Adjuntu Representante Nasoens Unidas iha Timór Lésté

Iha loron 27 fulan Janeiru 2011, JSMP marka audiência ba dala rua ho Sr. Finn Rieske Nielsen, Adjuntu Representante Especial Nasoens Unidas nian iha Timór Lésté. Audiencia ne'e hala'ó iha edifisiu Sr. Fin Rieske iha oras 11:00 to'o 12.15 OTL. Iha Audiencia ne'e equipa husi JSMP nian hamutuk ema nain 4, no husi UN nian aleinde Sr. Finn Rieske rasik, participa mós ninia staff tékniku nain rua (2).

Iha audencia ne'e, JSMP hahu hodi agradese ba oportunidade tanbá bele halo enkontru ho Sr. Finn Rieske dala ida tan, depois enkontru seluk ne'ebé halo ona iha dia 5 Novembru 2010.

Objetivu husi enkontru ida ne'e atu rona no *follow up* ba pedidu ne'ebé JSMP ható ona ba Sr. Finn Rieske konabá partisipasaun JSMP nian iha sentru formasaun, komitmentu ONU nian atu kontinua fo apoiu ba sosisidade sivil iha setór justisa. Aleinde ne'e JSMP mos informa konabá atividades durante tinan ida ne'e nia laran, inklui mos informasaun konabá lansamentu ba relatóriu lubuk ida ne'ebé sei lansa iha fulan Feveiru nia laran. Relatoriu hirak ne'e mak hanesan relatoriu *Observasaun Jeral Setór Justisa* nu'udar relatóriu annual JSMP nian, relatoriu temátiku konabá kazu 11 de Feveiru 2008 nomos relatoriu atividade unidade sira nian hanesan *Observasaun Jeral* ba Parlamentu Nasional ne'ebé sei lansa husi Sub Unidade Programa *Observasaun Parlamentu (POP)*, no relatóriu rua seluk.

Depois JSMP informa no konfirma fali ba pedidu sira ne'e, Sr. Finn Rieske ho kontente esplika no informa konabá pedidu ne'ebé JSMP ható ona ba ONU. Iha nia intervensaun Sr. Finn Rieske hateten katak bazeia ba pedidu JSMP nian ne'e, sira (ONU) iha Timor Leste, iha ona iniciativa balun hanesan halo diskusaun ho Prokuradoria Geral atu harê konabá kazu sira ne'ebé mak akontese iha 2006 no 2007, oinsá ONU enkoraza Prokurador Geral atu tau importansia ba kazu sira refere. Tuir nia katak kna'ar prinsipiál husi ONU nian ida mak atu harê konabá implementasaun ka lalaok Estadu de Direitu iha Timor Leste. Tanbá ne'e, ONU husu ba PGR atu *follow up* ba kazu sira ne'e hotu.

Aleinde ne'e ONU mos iha kompromisu ida ho Governu oinsá atu jere implementasaun konabá Lei Kontra Violénsia Doméstika no kontinua apoiu PNTL liu husi atividades treinamentu ka formasaun ba ofisial sira.

Iha biban ida ne'e, Sr. Finn Rieseke mos informa ba JSMP konaba mandatu ONU nian iha Timor Leste ne'ebé sei remata iha 2012. Iha periodu tranzisaun ne'e nia laran, ONU sei fo prioridade liu ba asuntu Estadu de Direitu, Justisa no mos asuntu Direitus Umanus. Liu tan nia akresenta katak oinsa bele buka solusaun diak ba Timor oan sira ne'ebé mak servisu durante iha misaun UNMIT nian ho Governu Timor Leste. Nia mos enkoraza soseidade sivil atu nafatin kontinua fo hanoin ba Na'i ulun boot sira Estadu nian. Kontinua ezize katak ema hotu tenke servisu tuir norma Konstitusional, lei no padraun normativu sira seluk.

Antes atu taka Sr. Finn Rieseke koalia mos konabá preokupasaun ONU ba asuntu korupsaun. Tuir Rieseke oinsá ita bele hakotu korupsaun ida ne'e, ONU mós nafatin akompañia Governu hodi nue'é la bele iha intervensaun ruma ba instituisaun independete hanesan Komisaun Anti Korupsaun (KAK) hodi nune'é KAK bele hala'ó funsaun ho diak no independete.

Iha oportunidade ne'e nia enkoraza JSMP atu bele tau matan ba asuntu korupsaun ne'e tanbá wainhira atu hari prinsipiu Estadu de Direitu iha nasaun ida, governu ne'e tenki mós ka tenki minimize korupsaun. Sr Finn mós akresenta liu tan katak importante tebes ba ema hotu atu hatene lala'ok husi prosesu kazu ne'e, nune'é korupsaun bele halakon iha nasaun ne'e nia laran.

Atu hetan informasaun kle'an favor kontaktu:

Luis de Oliveira Sampaio

Director ezekutivu JSMP

Email: luis@jsmp.minihub.org

Landline: +670 3323883 ka +670 7295795